



Broj: 09-50-128/2014  
Sarajevo, 9.1.2014. godine

84-40/14

Svim sudovima u Bosni i Hercegovini

**Predmet: Izdavanje jedinstvenog pristupnog koda za uvid u predmete**

Poštovani,

Visoko sudsko i tužilačko vijeće Bosne i Hercegovine (u daljem tekstu VSTV BiH) u skladu sa nadležnostima VSTV BiH navedenim u članu 17. stav 24. Zakona o VSTV BiH ("Službeni glasnik BiH", br. 25/04, 93/05, 48/07, 15/08) zaduženo je da vodi, koordinira i nadgleda korištenje informacione tehnologije u sudovima i tužilaštvima. U skladu sa ovlaštenjima VSTV BiH je u svim pravosudnim institucijama uspostavilo Sistem za automatsko upravljanje predmetima (u daljem tekstu CMS).

U cilju povećanja transparentnosti rada i stvaranju uslova za smanjenje obima rada sudova na poslovima omogućavanja uvida u predmete strankama u postupcima, u okviru CMS-a kreiran je servis koji omogućava izdavanje jedinstvenih pristupnih kodova (u daljem tekstu JPK) strankama u postupku putem kojih se omogućava uvid u predmete posredstvom interneta bez fizičkog pristupa predmetima. Postupak izdavanja JPK-a definisan je Pravilnikom o CMS-u pri čemu je članom 77. definisano da se JPK izdaje automatski prilikom pokretanja postupka u pisami suda na zahtjev stranke uz ličnu identifikaciju. Ovaj servis je vrlo brzo našao široku primjenu pri čemu je ocijenjeno da je značajno smanjen dolazak stranaka u sudove radi vršenja uvida u predmete. Da su stranke u postupku zainteresovane za korištenje ovog servisa govori i veliki broj zahtjeva kojima se traži omogućavanje preuzimanje JPK-a bez fizičkog pristupa sudu.

Stoga je nakon analize i prijedloga za dopunu pravnog okvira za CMS, koji je uradila Radna grupa za strateško planiranje i razvoj CMS/TCMS-a (u daljem tekstu Radna grupa) koja je nadležna da predlaže rješenja za unapređenje CMS-a, Predsjedništvo VSTV BiH usvojilo Dopunu Pravilnika o CMS-u (broj: 09-50-3292/2012 od 08.10.2012.godine) kojom je omogućeno dostavljanje zahtjeva i preuzimanje JPK-a posredstvom pošte.

Nakon usvojenih dopuna Pravilnika o CMS-u strankama u postupku omogućeno je da posredstvom pošte mogu dostaviti i zahtjev za izdavanje JPK-a, čiji sadržaj je propisan Pravilnikom o CMS-u, na osnovu kojeg će im JPK biti dostavljen putem pošte ili elektronskim putem kada se za to stvore preduslovi (član 77. stav 2. i 3.). Prilikom izrade prijedloga za dopunu Pravilnika o CMS-u, Radna grupa je razmatrala i pitanje plaćanja naknade za izdavanje JPK-a. Radna grupa je zauzela stav da se naplata sudske takse za izdavanje JPK-a može vršiti samo u slučajevima kada se isti strankama dostavlja putem pošte i elektronskim putem, te je u članu 80d. propisano da se naknada za izdavanje JPK-a propisana članom 77. stav 2. i 3. (izdavanje putem pošte i elektronskim putem) naplaćuje u skladu sa Zakonom o taksama koji se primjenjuje u sudu koji izdaje JPK.

U proteklom periodu, Zakonom o izmjenama i dopunama Zakona o sudskim taksama Zeničko-dobojskog kantona („Službene novine Zeničko-dobojskog kantona“ br: 9/13) i Zakonom o izmjeni i dopuni Zakona o sudskim taksama RS („Službeni glasnik RS“, br: 67/13), predviđene su sudske tarife za izdavanje JPK-a koje su sudovi počeli primjenjivati.

VSTV BiH je u posljednjem periodu zaprimilo nekoliko prigovora stranaka na primjenu odredaba Pravilnika o CMS-u koje se odnose na neosnovanost za naplatu sudske takse prilikom izdavanja JPK-a. Najveći broj primjedbi odnosio se na činjenicu da se taksa za izdavanje JPK-a naplaćuje i u slučajevima kada se isti preuzima lično u pisarni suda, te da se od stranaka traži da dostavljaju pismeni zahtjev za izdavanje JPK-a i u slučajevima kada se izdavanje JPK-a tražni lično u pisarni suda.

VSTV BiH je napravio analizu izdavanja JPK-a za četiri mjeseca prije i nakon uvođenja sudskih taksi u RS i Zeničko-dobojskom kantonu koja je pokazala da je broj izdatih JPK-ova nakon uvođenja sudske takse smanjio za 4 puta u Republici Srpskoj i 3 puta u Zeničko-dobojskom kantonu. Istovremeno, po informacijama koje je VSTV BiH dobilo od pojedinih sudova broj zahtjeva za uvid u predmete u prostorijama sudova se značajno povećao.

Obzirom na uočenu tendenciju, Radna grupa je zadužena da ponovo analizira pravni okvir za CMS i dostavi tumačenje odredaba koje se odnose na izdavanje JPK-a. U cilju jedinstvene primjene pravnog okvira za CMS, dostavljamo vam tumačenje odredaba Pravilnika o CMS-u koje se odnosi na izdavanje JPK-a.

„JPK se izdaje strankama automatski prilikom zaprimanja inicijalnog akta ili podneska na lični zahtjev stranke uz obaveznu identifikaciju putem ličnih isprava i dostavljanja punomoći za pravna lica, pri čemu stranke nisu obavezne popunjavati zahtjev za izdavanje JPK-a. U slučajevima kada stranka lično preuzima JPK u pisarni suda taksa se ne naplaćuje.

U slučajevima kada stranka dostavi zahtjev (podnesak) za izdavanje JPK-a i traži njegovo dostavljanje putem pošte, stranka je uz zahtjev dužna dostaviti i dokaz o uplati takse predviđene Zakonom o sudskim taksama ako je istim predviđena tarifa za izdavanje JPK-a. Ukoliko stranka nije dostavila dokaz o uplati takse sud nije dužan izdati JPK o čemu će stranka biti obaviještena na prikladan način.

Ukoliko Zakonom o sudskim taksama koji se primjenjuje u konkretnom sudu nije predviđena tarifa za izdavanje JPK-a, isti se izdaje bez naknade bez obzira na način dostavljanja strankama pri čemu se troškovi izdavanja smatraju troškovima postupka koji plaćaju stranke u postupku“.

S poštovanjem,

MP

Direktor Sekretarijata  
Admir Suljagić